

Wir burgermeister, scephphin und ratmanne der stad zcu Budissin bekennen und tun kund offentlichin || mit desim brive allin den, die in sehin odir horn lezin, das wir von unsern eldisten gehurt habin und wor||hoftiglich undirweist sint, das zcu geeziten, do Ulman us der Muncze voyt was, sie mit andern steten || zcu Prage gewest sint vor dem
 5 allirdurchluchten fürsten und hern seligis gedechtniss, keiser Karlin, und doselbist eyne zeweytracht was czwischen den ratmann und gemeyne der stad Lobaw an eyne teyle und etlichin mannen gesessin in demselbin lande zcur Lobaw am andern teyle umb fischireyge. Die czweytracht, bruche und schelunge vorhurte der vorgnannte unser gnedigir herre der keysir, und noch irre beydir wissinschaft zcusprach unser egnanter
 10 herre der keysir dy fischrige und friheit der obgnanten stad Lobaw, eyne myle obir der stad in den vlissin, dy ir moln treffin, und nedir der stad eyne myle in der Loboth, offentlich vor allin reten und hern, die zcu der zeit by ym woren, und den steten und bevil dem vorgnanten Ulman us der Muncze und allin andirn voyten und amptluten, dy doby woren, das sie dye egnanten ratmennen und gemeyne der vorgenanten stad Lobaw
 15 bie der fischrige und vriheit behaldin suldin mit hulfe der stete und lande, und ab in das zcu kurz wurde, so welde sie der obgnante unser herre selbir beschirmen und doby behalden. Des zu bekentnisse hobe wir der stad secret ynnewennik an disin briff lazinz druckin. Gebin noch gotis geburt driczenhundirt jar in dem nun und achtzigisten jare an des heiligin lich[n]ams abinde.

20

31.

Der Notar Johannes Nicolai Grunynk von Brieg nimmt ein Protokoll auf über Befragung und Aussagen von Einwohnern der Dörfer Oppeln, Krappe, Jauernick, Wohla, Breitendorf, Spittel, Eisenrode und Küttlitz, welche sämtlich erklären, daß diese Dörfer Räuber, Diebe und andere Uebelthäter stets vor Bürgermeister, Rath und Schöpffen der Stadt Löbau zu rügen gehabt haben.

25

Löbau, 1390 Juli 29.

Hdschr.: „Oberlaus. Urkunden-Sammlung“ in Görlitz mit der Notiz: nach einer alten Pergamentabschrift im Löbauer Archiv; dieselbe ist aber nicht mehr daselbst vorhanden.

In dem namen des heren amen. In dem jore der gebort desselben tusent dry-
 hundirt und nunczegisten, an dem nesten fritage noch sente Jacobis tage, xxix. tage des
 30 mondes july, czu tercię czyt adir doby, der bebistige des allirheiligisten in got vatirs und heren, hern Bonifacii babist des nunden, in dem ersten jore, in der stat Lobaw des bischtums czu Missen, in dem huse des vorsichtegen mannis Andreas Romer genant burgers doselbist, unden in dem hus, in kegenwertekeyt myns, nochgeschreben offinbarin schribers, und der nochgeschreben czüge myt sins selben personen gestalt. Der erber man
 35 Perwing, eyn leige^{a)} von Opeln des egenanten bischtums von Missen, czu der froge der vorsichtigen manne, des vorgenanten Andreas Romers burgermeisters, Petir Heintsch, Nickel Richels, rothmanne unde scephphin der vorgenanten stad Lobaw, von irem wegen

31. a) d. h. Laie.